

ARIAN
CYNHYRCHU

CANLLAWIAU
2018



NODAU AC AMCANION

Sefydlwyd Ffilm Cymru Wales er mwyn darparu cyfleoedd i wneuthurwyr ffilmiau wneud ffilmiau!

Bydd Ffilm Cymru Wales yn disgwyl i'r ymgeiswyr weithio gyda ni i echdynnu ac ychwanegu gwerth i'w prosiectau drwy ddefnyddio'r dull Magnifier o ariannu sy'n ceisio:

- Defnyddio dull systematig i adnabod y mathau eang ac amrywiol o werth posibl prosiectau
- Annog rhoi ystyriaeth i'r gynulleidfa darged, a sut y gellir cysylltu â hi yn gynnar iawn yn y broses
- Adnabod y rhwystrau posib (e.e. gallu cynhyrchu'r cwmni, rhwydweithiau, cyllid) er mwyn sylweddoli'r gwerth hwn
- Hybu diwylliant sy'n rhannu'r hyn a ddysgir, a gwella'r rhwydweithiau ledled yr is-sectorau.

Arian loteri yw buddsoddiad Ffilm Cymru Wales, a chaiff ei drin fel buddsoddiad ecwiti i'w adennill ochr yn ochr â buddsoddwyr ecwiti eraill.

Bydd pwyslais yn cael ei roi ar gefnogi cynhyrchwyr, awduron a chyfarwyddwyr o Gymru.

Er nad yw hynny'n hanfodol, 'rydym yn awyddus i annog cynnwys diwylliannol Cymreig, gyda ffilmiau sy'n adlewyrchu Cymru a'r bywyd Cymreig, gan geisio hefyd sicrhau llechen o brosiectau sy'n amrywiol ac yn berthnasol.

Mae Ffilm Cymru Wales yn cynnig:

- Datblygu a chynhyrchu ffilmiau nodwedd drwy ein dull unigryw, Magnifier
- Cyngor a chymorth sy'n benodol i bob prosiect
- Cyd-ariannu ar gyfer lleiafswm o dair ffilm nodwedd theatrig y flwyddyn (un, o leiaf, yn yr iaith Gymraeg)
- Cefnogaeth ariannol i gwmnïau sy'n dymuno cynyddu gallu cynhyrchu eu cwmni, ymestyn eiddo deallusol eu cynigion ffilm, ac sy'n dymuno datblygu dulliau traws-gyfryngol/traws-gelfyddydol o weithredu.

CYMHWYSEDD

Sylwer os gwelwch yn dda, nid yw'n debygol y bydd Ffilm Cymru Wales yn ariannu unrhyw brosiect hyd nes y sicheir rhywfaint o arian partneriaeth.

Gall Ffilm Cymru Wales ddyfarnu hyd at uchafswm o £200,000.

Yn ychwanegol at hyn, gellir ymgeisio hyd at £100,000 pellach drwy ein dull Magnifier, sy'n bodoli er mwyn cefnogi costau prosiect fel datblygu digidol, ecsbloetio ED neu gynnig cymorth i allu cynhyrchu'r cwmni.

- Derbynnir ceisiadau am nawdd ar unrhyw gyfnod ac ar unrhyw gam o becynnu'r cynhyrchiad
- Mae'n rhaid ymgeisio drwy gwmni ac nid drwy unigolyn
- Mae'n rhaid i ymgeiswyr drafod eu cais gydag aelod o'r tîm cyn ei gyflwyno
- Ble fo cais am arian wedi ei gyfuno â ffynonellau Loteri eraill, sylwer nad yw'n bosib i gyfanswm gyfraniad y Loteri fod yn fwy na 50% o'r gyllideb.

MEINI PRAWF

Wrth ddewis prosiectau byddwn yn ystyried y meini prawf canlynol:

- Ansawdd, potensial a gwreiddioldeb y gwaith
- Y budd i wneuthurwyr ffilm o Gymru- pan nad yw talent o Gymru yn arwain y prosiect, gellir darparu budd ychwanegol drwy gyd-gynhyrchu, ac ambell waith, drwy gynnig cyfleoedd mentora i dalent newydd o Gymru
- Sut y darlunnir cynnwys diwylliannol Cymreig- Cymru a'r bywyd Cymreig
- Hyfywedd y prosiect yn nhermau cyllideb a phartneriaethau ariannu, a gallu cynhyrchu'r personel creadigol allweddol
- Gallu'r prosiect i gael ei gymhwyso fel ffilm Brydeinig. Cyfeiriwch at wefan y BFI am y manylion perthnasol os gwelwch yn dda
- Apêl y prosiect i'r farchnad. Bydd disgwyl i bob cais ddangos cynulleidfa graidd amlwg a chyraeddadwy, a sut y gellir ei chyrraedd
- Hyfywedd a photensial ffurfiau eraill o ED parthed y farchnad, y bydd yr ymgeiswyr yn dymuno eu hecsbloetio
- Yr achos dros allu cynhyrchu ychwanegol i'r cwmni, a sut fyddai hyn effeithio ar dwf eich cwmni

Fel rhan o driniaeth systematig Magnifier byddwn hefyd yn ystyried:

- Hyfywedd a photensial ffurfiau eraill o ED parthed y farchnad, y bydd yr ymgeiswyr yn dymuno eu hecsbloetio
- Yr achos dros allu cynhyrchu ychwanegol i'r cwmni, a sut fyddai hyn yn effeithio ar dwf eich cwmni

Yn ogystal â'r uchod, mae Deddf y Loteri Genedlaethol 1993 (Diwygiwyd yn 1998) wedi sefydlu cyfarwyddiadau sy'n rhaid i Ffilm Cymru Wales eu dilyn wrth asesu ceisiadau. Gweler yr Atodiad.

Y DULL YMGEISIO

Byddwch mor garedig â chysylltu ag aelod o'r tîm yn y lle cyntaf, cyn cyflwyno unrhyw gais.

Bydd rhaid i chi gwblhau a chyflwyno ffurflen gais y gellir ei llawr lwytho o'r wefan a'i chyflwyno ar e-bost.

Derbynnir ceisiadau ar sail dreiglol. Fodd bynnag, mae ceisiadau am nawdd sy'n fwy na £50,000 yn amodol ar gymeradwyaeth y bwrdd, ac mae'r bwrdd yn cyfarfod yn chwarterol.

PENDERFYNIADAU ARIANNU

Mae penderfyniadau ariannu hyd at £25,000 yn cael eu gwneud gan aelodau o dîm talent Ffilm Cymru Wales sydd fel arfer yn cynnwys, Pennaeth y Sector Datblygu Creadigol, y Rheolwr Cynhyrchu a Phrosiectau Arbennig a'r Swyddog Datblygu.

Bydd y penderfyniadau ariannu am symiau rhwng £25,000 a £49,999 yn cael eu gwneud gan aelodau'r tîm talent uchod, a naill ai Cadeirydd neu Is-gadeirydd Bwrdd Ffilm Cymru Wales.

Bydd penderfyniadau ariannu sy'n fwy na £50,000 yn ddibynnol ar gymeradwyaeth y bwrdd.

Bydd pob penderfyniad yn cael ei gadarnhau drwy e-bost, a phan fo prosiect yn aflwyddiannus bydd eglurhad byr hefyd yn cael ei gynnwys.

DYFARNIADAU & AMODAU

Bydd cynigion ariannol yn parhau ar agor am gyfnod penodol (6 mis fel arfer) fydd yn cael ei nodi yn y llythyr o gynnig. Os na fydd yr arian yn cael ei dynnu i lawr yn ystod y cyfnod hwn, efallai bydd y cynnig yn cael ei ddiddymu.

Bydd y prosiectau a ariennir yn amodol ar gytundeb cynhyrchu fydd yn cynnwys amserlen dalu a thelerau digolledu a gytunir arnynt fesul prosiect. Bydd y telerau digolledu ar gyfer unrhyw nawdd ychwanegol, yn sgil meini prawf Magnifier, hefyd yn cael eu hamlygu yn y cytundeb yma- eto i'w cytuno fesul prosiect.

Bydd prosiectau'n cael eu datblygu drwy ddwylo Pennaeth Datblygu'r Sector Creadigol a'r Rheolwr Cynhyrchu a Phrosiectau Arbennig, mewn cydweithrediad â'r cynhyrchwyr. Bydd Ffilm Cymru Wales yn chwarae rhan ymarferol a chreadigol yn y gweithgareddau.

Bydd rhaid i Ffilm Cymru Wales gymeradwyo pob cytundeb ariannol a phob newid arwyddocaol i'r prosiect.

MANYLION CYSWLLT

If you have any queries, or if you would like to discuss any aspect of your project prior to application, please contact:

A D A M P A R T R I D G E

Production and Special Projects Manager

adam@ffilmcymruwales.com

Ffilm Cymru Wales

Unit 6

Tramshed Tech

Pendyris Street

Cardiff

CF11 6BH

+44(0)2921 679369

ATODIAD

Mae Deddf y Loteri Genedlaethol 1993 (Diwygiwyd yn 1998) yn amlinellu'r prif feini prawf rhaid eu hystyried wrth drafod ceisiadau ariannol. Mae Ffilm Cymru Wales yn dehongli'r rhain fel a ganlyn:

SAFON ARTISTIG

Mae Ffilm Cymru Wales yn ceisio cefnogi ffilmiau gwreiddiol a dramatig.

BUDD CYHOEDDUS

Gellir cyflawni hyn drwy amrywio amrediad y deunydd sinematig a ddarperir; rhoi proffil i dalent newydd, neu wella cynrychiolaeth cymunedau nad ydynt wedi eu cynrychioli'n ddigonol yn y gorffennol, er enghraifft.

DATBLYGIADAU NEWYDD

Ni chaniateir amnewid arian y loteri. Hynny yw, ni ddylai gymryd lle ffynonellau ariannol eraill sydd ar gael ar gyfer unrhyw brosiect penodol. Fodd bynnag, gellir ei ddefnyddio i ddenu buddsoddiad pellach i brosiectau. Gellir defnyddio ein harian mewn partneriaeth ag arianwyr Loteri eraill, yn amodol ar gap cyffredinol o 50% o ffynonellau Loteri.

HYFYWEDD ARIANNOL

Byddwn yn ystyried hyfywedd ariannol y prosiect, a chydawnsedd gwahanol elfennau ariannol telerau nawdd y Loteri. Bydd angen i'r ceisiadau feddu ar gyllidebau sy'n addas ar gyfer cynulleidfa darged y prosiect, a'r farchnad derfynol.

PARTNERIAETHAU ARIANNOL

Bydd rhaid i'r ymgeiswyr ddangos cadarnhad ysgrifenedig o bartneriaethau ariannu a manylion o'r telerau a'r amodau. Nid yw'n debygol y bydd arian cynhyrchu yn cael ei gynnig os nad oes elfen o bartneriaethau ariannu yn bodoli.

GALW AMLWG

Mae Ffilm Cymru Wales yn ceisio cefnogi prosiectau ffilm sy'n dangos eu bod yn debygol o gael eu dosbarthu. Nid yw prosiectau sy'n annhebygol o gael eu dosbarthu yn debygol o fod o fudd i'r cyhoedd gan fethu cwrdd â meini prawf ariannu'r Loteri. Mae Ffilm Cymru Wales yn ceisio cefnogi amrediad eang o ffilmiau o ran genres a chyllidebau, ond ym mhob achos dylai'r prosiectau feddu ar gyllidebau addas, gan adlewyrchu'r potensial tebygol o ran cynulleidfa. Bydd disgwyl i'r ymgeiswyr gynnwys ffigyrau gwerthu, wedi eu cyflenwi gan asiantaeth gwerthu profiadol a/neu dystiolaeth o ddiddordeb gan Ddosbarthwr Prydeinig.

RHEOLAETH EFFEITHIOL


Mae Ffilm Cymru Wales yn gyfrifol am wariant arian cyhoeddus, ac felly rhaid i'r corff fodloni ei hun fod yr ymgeisydd yn debygol o drosglwyddo'r gwaith yn unol â'r gyllideb a'r amserlen, gan ddefnyddio'r arian ar gyfer y diben a fwriadwyd.

ffilm

CYMRU WALES

UNIT 6
TRAMSHED TECH
PENDYRIS STREET
CARDIFF
CF11 6BH

+44(0)2921 679369
enquiries@ffilmcymruwales.com
www.ffilmcymruwales.com



Supported by
The National Lottery[®]
through the Arts Council of Wales

Cefnogwyd gan
Y Loteri Genedlaethol
trwy Gyngor Celfyddydau Cymru



Cyngor Celfyddydau Cymru
Arts Council of Wales